

Broj: 04-05-4-1090/18

Sarajevo, 05.06.2018. godine

## SAOPĆENJE O ZAVRŠENIM FINANSIJSKIM REVIZIJAMA KORISNIKA BUDŽETA FBiH ZA 2017. GODINU

Ured za reviziju institucija u FBiH je godišnjim Planom revizije za 2017/2018. godinu, planirao obavljanje 80 finansijskih revizija subjekata na nivou Federacije BiH, kantona i općina. **U skladu sa Zakonom o reviziji institucija u FBiH („Sl. novine FBiH“, br. 22/06), Ured za reviziju je u roku od 90 dana od dana podnošenja godišnjih izvještaja, izvršio finansijske revizije 19 korisnika Budžeta FBiH, koje predstavljaju obavezne godišnje revizije i koje uključuju Parlament FBiH, Predsjednika FBiH, Vladu FBiH i njena ministarstva.** Izvještaji o finansijskim revizijama dostavljeni su revidiranim subjektima, Parlamentu Federacije Bosne i Hercegovine, Vladi Federacije Bosne i Hercegovine, Predsjedniku Federacije Bosne i Hercegovine i Federalnom ministarstvu finansija.

Finansijska revizija obuhvatila je reviziju finansijskih izvještaja, kao i usklađenost aktivnosti, finansijskih transakcija i informacija iskazanih u finansijskim izvještajima sa zakonima i propisima, te su za svakog subjekta revizije data dva mišljenja.

**Ukupan budžet za 2017. godinu 19 revidiranih korisnika Budžeta FBiH iznosio je 2.460.900.905 KM, koji je nakon rebalansa smanjen na 2.316.174.948 KM, što predstavlja cca. 90% ukupnog Budžeta Federacije BiH.**

**Od 19 izvještaja o finansijskoj reviziji, za pouzdanost finansijskih izvještaja dato je 13 pozitivnih, 5 s rezervom i 1 suzdržano mišljenje, a za usklađenost sa zakonima dato je 5 pozitivnih i 14 mišljenja s rezervom.** U 18 izvještaja skrenuta je pažnja na pitanja koja nisu uticala na dato mišljenje o pouzdanosti finansijskih izvještaja, ali koja su po revizorovoj prosudbi bila značajna za korisnikovo razumijevanje finansijskih izvještaja. U okviru mišljenja o pouzdanosti, u 8 izvještaja je skrenuta pažnja na određena pitanja.

Analizom postupanja po preporukama datim u 2016. godini, utvrđen je napredak korisnika Budžeta FBiH u implementaciji revizorskih preporuka. Potpuno i djelimično postupanje po datim preporukama iznosi 52%, dok je prethodnoj godini iznosilo 46%. **Istovremeno, za 2017. godinu dat je manji broj preporuka, ukupno 331 ili za 19% manje u odnosu na 2016. godinu, što također ukazuje na poboljšanje u određenim segmentima upravljanja javnim sredstvima.**

Obavljenim revizijama uočeno je poboljšanje kod jačanja internih kontrola i uspostave istih u skladu sa Zakonom o finansijskim upravljanjem i kontroli u javnom sektoru u FBiH. Kod većine budžetskih korisnika smanjeni su izdaci za reprezentaciju, putne troškove i upotrebu telefona, te je smanjen broj nepravilnosti u javnim nabavkama.

Iako je utvrđeno poboljšanje u finansijskoj disciplini i trošenju javnog novca, utvrđena su i određena odstupanja, koja su ogleđaju u sljedećim najvažnijim nalazima:

- **Raspodjela dijela sredstava transfera izvršena je bez primjene mjerljivih kriterija definisanih programima utroška sredstava. Također, budžetski korisnici nisu vršili adekvatan nadzor nad namjenskim utroškom realizovanih transfera.**
- **Neki budžetski korisnici imovinu (zgrade i poslovne prostore) iskazuju u finansijskim izvještajima i koriste bez adekvatne dokumentacije o vlasništvu, dok za dio iskazane imovine nisu u posjedu.**
- **Angažovanje po osnovu ugovora o djelu i dalje se vrši za radna mjesta koja su utvrđena pravilnicima o unutrašnjoj organizaciji.**
- **Značajan broj budžetskih korisnika nastavio je sa isplatom naknada zaposlenicima za rad u komisijama za redovne poslove iz nadležnosti, na koje se ne plaćaju pripadajući porezi i doprinosi.**

- Obaveze po osnovu pravosnažnih sudskih presuda iz radnog odnosa u iznosu od 8.020.092 KM, kod određenog broja korisnika vode se na vanbilansnoj evidenciji, dok su kod ostalih evidentirane na razgraničenim rashodima. Zbog razlika u evidentiranju, u finansijskim izvještajima nije prikazano stvarno stanje obaveza po ovom osnovu.
- Planiranje sredstava za sedam kazneno - popravnih zavoda u Federaciji BiH nije vršeno u skladu sa Zakonom o budžetima u FBiH. Sredstva su planirana i odobrena u jednom iznosu za sve kazneno - popravne zavode, iako su posebne federalne ustanove i iste imaju svojstvo pravnog lica. Također, nije se mogao potvrditi ni način raspodjele sredstava kazneno - popravnim zavodima od strane Ministarstva.
- Registar budžetskih korisnika nije ustrojen u skladu sa važećom zakonskom regulativom, tako da se i dalje budžetski korisnici koji su jedno pravno lice vode kao više korisnika.

Svi izvještaji objavljeni su na a web stranici Ureda za reviziju: [www.vrifbih.ba](http://www.vrifbih.ba). Preostale revizije obavljaju se u skladu sa Planom revizija za 2017/2018. godinu, čiji će izvještaji biti sukcesivno objavljeni po okončanju.




GENERALNI REVIZOR

Dževad Nekić, dipl.oec.

## PRILOG

### 1. Struktura datih mišljenja za 2017. godinu korisnicima Budžeta FBiH



### 2. Pregled mišljenja i broja preporuka za 2017. godinu datih korisnicima Budžeta FBiH

Rd. Br.	Subjekt revizije	Rebalans budžeta za 2017. godinu	Mišljenje za finansijske izvještaje	Mišljenje o usklađenosti	Broj datih preporuka za 2017. g
1	Parlament FBiH	14.622.352	Pozitivno	S rezervom	23
2	Predsjednik i dva potpredsjednika FBiH	2.945.233	Suzdržano	Pozitivno	11
3	Vlada FBiH	15.014.680	Pozitivno	S rezervom	22
4	Federalno ministarstvo unutrašnjih poslova	7.820.697	Pozitivno	Pozitivno	11
5	Federalno ministarstvo pravde	4.128.528	Pozitivno	S rezervom	20
6	Federalno ministarstvo finansija	1.252.385.275	Pozitivno	S rezervom	27
7	Federalno ministarstvo energije, rudarstva i industrije	23.042.200	S rezervom	S rezervom	12

8	Federalno ministarstvo prometa i komunikacija	31.778.941	Pozitivno	S rezervom	15
9	Federalno ministarstvo zdravstva	43.255.534	Pozitivno	S rezervom	15
10	Federalno ministarstvo trgovine	1.352.677	Pozitivno	Pozitivno	2
11	Federalno ministarstvo prostornog uređenja	5.494.451	Pozitivno	S rezervom	18
12	Federalno ministarstvo poljoprivrede, vod. i šumarstva	79.767.537	S rezervom	S rezervom	22
13	Federalno ministarstvo za pitanja boraca i inv.odb.osl.rata	326.874.947	Pozitivno	S rezervom	26
14	Federalno ministarstvo razvoja, poduzetništva i obrta	27.949.378	Pozitivno	S rezervom	19
15	Federalno ministarstvo rada i socijalne politike	428.956.076	S rezervom	S rezervom	26
16	Federalno ministarstvo kulture i sporta	10.271.479	S rezervom	S rezervom	31
17	Federalno ministarstvo raseljenih osoba i izbjeglica	25.280.229	Pozitivno	Pozitivno	9
18	Federalno ministarstvo obrazovanja i nauke	8.442.936	S rezervom	Pozitivno	10
19	Federalno ministarstvo okoliša i turizma	6.791.798	Pozitivno	S rezervom	12
	<b>UKUPNO</b>	<b>2.316.174.948</b>			<b>331</b>

### 3. Postupanje po prethodno datim preporukama

